

晚晴籟詩匯

第七一册

晚晴簃詩匯卷一百八十三目錄

閨秀

李氏一首

張氏六首

朱中楣二十二首

商景徽十首

祁德淵一首

祁德瓊六首

祁德茵五首

張德蕙二首

朱德蓉七首

方維儀十三首

方維則一首

葉寶林一首

許氏一首

徐璨二首

徐文琳一首

紀映淮四首

畢著二首

宮婉蘭二首

冒德娟五首

錢敬淑一首

顧若璞十首

闕玉一首

李美儀 二首

吳山 二十首

卞夢珏 四首

陸觀蓮 四首

父默 三首

侯綦宜 二首

侯懷風 四首

侯承恩 七首

倪仁吉 三首

倪宜子 二首

夏沚 一首

吳肱 四首

曹鑑冰 十首

彭琬 一首

彭玢 四首

彭孫倩 一首

王慧 八首

宗室縣君 一首

希光 二首

陳書 四首

吳宗愛 九首

黃媛貞 六首

黃媛介 二首

李因 八首

葛宜 二十八首

蔡琬 八首

柴貞儀 一首

柴靜儀 四首

朱柔則 七首

馬士琪 三首

葉榜 一首

陸莘行 一首

陳何 二首

張曼殊 四首

晚晴簃詩匯卷一百八十三

閨秀

徐世昌

李氏孝感人同縣能祚廷室大學士諡文端賜履母

詩話文端為一代理學名臣成於母教母李少嫺書  
 史歸熊以孝敬稱值流寇起鄉豪藉讎生亂熊氏舉  
 家遇害李抱幼子匿榛莽間母族擁以去豪亦知其  
 賢名不復追長子適詣蒙師俱免於難即文端也李  
 痛不欲生念夫亡子幼忍死存孤恆併日以食而訓  
 子殊嚴日就外傳夜共一鏡母織子讀聲常達旦文  
 端既貴猶服布素偶衣緡帛辭補無算課女紅如往  
 昔接鄰嫗如娣姒初難作父兄皆歿李親檢骸骨以  
 葬哀動路人文端每晉一階必大勸嘗言吾家受國  
 恩已極然未亡人則分定矣畢世無歡容文端與人  
 語及母事輒  
 涔涔淚下

寒月夜作

宵分蟾影印虛庭為愛清光倚小亭  
 慙對青山頭已白悶  
 看黃菊眼還青煙拖暮靄籠寒柳  
 風漾幽池蹴細萍不歎

空閨多寂寞教兒猶喜有遺經

張氏德州人禎女順治壬辰進士麗水知縣田緒宗室

戶部侍郎妻母有茹茶吟

詩話夢菴晚登甲科宰麗水有聲未幾卒張取倉庫  
册籍鈎稽籌算年經月緯具有條理代者果難之張  
手自削牘上郡莅覈無稍誤乃持喪還教諸子皆有  
文行年七十戚黨將欲為壽乃為書誠諸子曰汝昨  
來言里中先達及學校父老謀欲醞錢作為屏幃為  
吾壽者此親串盛心然揆諸禮則甚有所不可  
詳為汝曹言之案禮婦人無夫稱未亡人凡吉凶交  
際之事不與不為主名故春秋書紀履綸來逆女公  
羊傳曰紀有母何以不稱母母不通也何休云婦人  
無外事所以遠別也後世禮意始有登堂拜母之  
事戰國時嚴仲子自鷙聶政母前進百金為壽此蓋  
任俠之流有所求而然耳豈為禮當如是耶吾自汝  
父歿於官提攜細弱千里扶櫬合辛茹藥三十餘年  
闔戶辟積以禮自守今幸汝曹皆成立足慰餘年然  
此中嘗有隱痛歲時臆兒女滿前牽衣嬉笑輒忤  
恠心動念汝父之不及見故或中坐歎息或輟著而  
悲蓋三十年於此矣三不見故或中坐歎息或輟著而  
而今更強我為主名其可謂之禮乎頃者米價踊貴

井里蕭然親故類多貧乏若復合錢市饑爲未亡人  
進一日之甘是重有戾矣汝曹備官於朝宜曉大體  
其詳思禮意以安老人之心其辭沖淡高雅似東京  
文字沈歸愚稱其示兒詩曰不講佛經講孝經可也  
宜田氏後  
有令人

句容署中

一帶青山雪徑封白雲片片樹重重葛洪井與鮑姑宅住  
在華陽第幾峯

自句容歸里

流水青山在眼前歸途恰值早春天官貧一路無車馬覓  
得江南鴨菊船

渡黃河有感

一曲中流瓠子歌淮南落日渡黃河不知底績司空日銷  
盡金錢爾許多

戊申京邸示兒

金馬門前玉漏殘，經年索米向長安。  
悲歌莫逐荆高侶，且耐官同易水寒。

示兒

一部楞嚴戶畫扃，木魚竹杖倚圍屏。  
老人自覺修齋好，不爲兒曹講佛經。

送長兒之楚

黃鶴樓前白浪生，江流滾滾滾鄂王。  
城儻從鸚鵡洲邊過，一弔才人禰正平。

朱中楣字遠山廬陵人，明宗室議汶女吉水兵部侍郎李元鼎室禮部尚書振裕母，有石園隨草。

詩話遠山適梅公侍郎詩與梅公合編子目署倡和集者夫婦酬答之作署石園隨草者則遠山所自爲



詩明麗秀逸尤工倚聲西江月暮春雨後云細雨欲  
收春去殘花暗約鶯留蝶戀花春暮云花徑游絲黏  
別絮和風搭在雕闌裏句皆雋妙集中寄懷姑母有  
云清霜暗妒王孫草玉樹遙連帝女花牧齋作倡和  
集序有蟠根仙李積慶瑛源語又云丹  
樓煙爨朱郎灰飛盡不勝滄桑之感焉

雨餘登避暑臺

晚妝纔罷試齊紈夏木陰陰落照殘欲向層臺窺遠堞偶  
飛疏雨染重巒溼雲緩度鶯聲老涼月還生燕語歡共挹  
荷香思茗飲輕風有意送梅酸

客秋偶憩西子湖皆令攜幼女過訪髮方覆額遂能  
誦詩寫法帖楚楚可人今依然夢想間并裁小詩  
似之

瑟瑟輕羅澹澹妝柳梢鶯語乍調簧烏雲應拂春山小紅  
樂初含夜雨香鴛水毓靈多鮑謝蠅頭妙楷逼鍾王夢回

猶記殷勤別幾欲箋詩燕子忙

穀雨前一日小室閒吟

小苑焚香逗綠紗攤書隨意注南華春衫未翦寒仍怯午  
夢初回日又斜湖外祇堪眠弱柳雨前誰復餽新茶中懷  
脈脈閒無那看取游絲綴落花

秋雨吟

漫鬪擣菹金釧冷暝煙猶綴鞦韆縷一聲新雁動離思叫  
徹雲根透纖影翠鈿寒生秋已仲檐敲碎玉驚殘夢急雨  
初收問落花清商暗度棲梧鳳素娥青女意颺颺何事深  
闌恨夜長燕去燕還還復去閒鷗依舊點橫塘

上巳同外攜兒子振裕登滕王閣

水落沙猶曲風恬浪不漩繁檣依斷渚孤鶩沒遙天醉柳

開新火噉鵲破曉煙登高欣有賦索價問榆錢

春晚

瑟瑟湘簾裊裊垂嬌鶯初轉最高枝枕棧畫得金釵響爲  
記深宵夢裏詩

贈涂年姪女南歸

涂映薇次女王公子小韓之配也  
兵亂入都熊雪堂少宰解驂贖之

育余邸舍數月  
小韓使使迎歸

每話家園淚雨潛薊門秋老雁初還驚魂自逐瀟湘水忍  
見湓城山外山

時慰愁容強作歡漫傷親串半凋殘珠簾暮雨西江月盡  
付離人馬上彈

鬪雪餐氈苦自持誰憐弱息委燕支青青柳色仍如舊寄  
與韓郎知不知

共羨山公古道稀黃金解盡出重圍豐城劍合珠還浦故  
國文姬此日歸

和外五日自潞河歸津門

地接蓬瀛任所探扁舟何日泛元潭

潭在吉水

椿萱歲越今逾

九兄弟時憐但有三采藥盈筐懷益母書符結縷佩宜男  
移樽共向花前醉擘藕還因雨後甘幾度幽香深院裊半  
灣斜月遠林含層雲掩映迷芳樹落照依微度翠嵐鶴草  
不須煩媚蝶鸞笙每欲動歸驂千頭種橘甯無念萬里浮  
家未可堪卻羨數雞還茹哺偶來雙鶴助清談輕風淡宕  
消殘暑閒署蕭條憶寸柑戲和新詩君勿笑爲聯險韻我  
何慙鴛鴦並浴翻荷蓋鸚鵡頻餐啄玉函茗戰晚煙炊細  
沸蟲征宵鼓劫雄酣寒冰滴瀝聲催句暝鳥迴翔語覺喃

刻艾懸庭驚燕戶伊蒲繡佛對禪龕鹽梅空負調羹美蒲  
酒聊斟供饋慙飄泊漫欣會解帶逍遙惟喜早抽簪忽雷  
纔撥鄉思集方響慵敲旅夢耽借隱宜從翰墨圃同游直  
到買山菴

家有此菴此菴

穉兒聽說家園好解望關河問指南

### 擬古游仙詩

洪井尙留丹餐霞堪綺席盈盈若輕舉攬之不可得宛擬  
至瓊宮互立仙班側倏起江海游鯨人捧珠出爍爍起層  
霄輝煌炯遙壁或理鳳凰琴或窺麟虎迹或誦步虛吟或  
促清談膝杳靄度韶音旖旎停雲澤恍惚在天涯徘徊閒  
咫尺忽覩避素人忽覩偷桃客劈藕大如船分脯還煮石  
控鶴欲凌空懸厓深莫測窈窕復冥冥蒼蒼何鬱鬱團露  
染新紅方壺漂紺碧月腦晦還圓星眸炫猶逸珍重廣成

言飛鳧酣數息勝境可能尋山河咸歷歷六著恍然明乾坤任所適

春日熊雪堂少宰以和黃山谷梅花韻見投同梅君

作

幾年借隱同歸洛紛紛世態春冰薄今古長安似弈棋惟有投閒是先著每思登眺帝子樓風雨靡靡滯城郭荒園頽倚杏花村社鼓頻傳慰恬漠時吟佳句響琳琅滿紙煙霞真駭愕續貂髡穎韻難成欲附青雲爲寄託綠波隱隱泛蘭舟紅蓼森森羨華萼隋隄舊院冷鞦韆譙國新旗綴珠珞海棠無力怯春寒夢破春愁愁滿棗融和天氣正芳菲芸窗課子差足樂舞燕翻飛墮碧空流鶯宛轉驚鈴索屈指韶光又一年閒看花開漸花落不關春色苦相催但

恨封姨還肆虐澹岩輕陰潤雜絃良宵煮茗奴稱酪卻爲  
聽詩減夜眠舉案呼尊共微酌寄語猿鶴莫漫猜而今始  
踐山林約

旅興

身世蒼茫裏烽燧已數千旅愁春候覺歸夢草堂前花徑  
迷蝴蝶家山映杜鵑枝頭聞鳥語猶自說燕然

春日感懷

青春作伴已還鄉贏得新詩富草堂蘇圃漫添添湖水綠柴  
桑難問徑花黃荒城處處傷離黍舊燕飛飛覓畫梁家國  
可堪寥落甚怡情何地足滄浪

舟行晚眺

遠望清流曲曲通孤帆幸逐芰荷風黑雲片片歸前浦紫

燕紛紛掠短篷岸柳乍搖新水綠山花遙帶夕陽紅頻聞  
簫鼓知村近雨過潮平月正中

歲杪答梅君維揚

久閱關鄉未忍離霏霏應值到家時梅開芳信書憑早夢  
繞江千月上遲彭澤喜裁歸去賦蕪城愁和寄來詩新籟  
正熟思君賞獨坐深宵且課兒

舟次清源和梅公韻

南歸欲覓舊柴門何意彈冠赴特恩三徑未成重理櫂千  
山遙憶隔號猿香侵蓼國飄紅粉露滴荷房瀉綠尊遠岸  
菁蔥連雨足閒鷗飛泛點秋痕朝廷有道思良弼彤管承  
家媿昔媛新月含輝雲外吐斜峯倒影浪中翻偶來墜葉  
驚詩思厭聽嚴更攪夢煩晚泊村宵雜喔喔平原戍獵鹿



奔奔天涯篷轉隨征雁澤畔桑深卧野豚銀漢乍迴青鵲  
羽金風漸返木樨魂知君自爲蒼生出從古惟聞綺皓存  
把酒漫同兒女醉頻年憂患不須論

晚秋懷里

落葉驚殘夢秋歸人未歸水明天一色鴉帶晚霜飛

舟泊鳩茲

水闊春迴接楚湘學妮嬌鳥未調簧起來捲幔窺紅色一  
抹青山帶夕陽

聞子規

忽聽妮鵲柳外飛聲聲相喚不如歸人歸何似春歸易芳  
草萋萋送落暉

宗伯年嫂招集滄浪亭觀女郎演秣陵春

越調吳歎可並論梅村翻入莫愁村興亡瞬息成今古誰  
弔荒陵過白門

商景微字嗣音會稽人明吏部尙書周祚次女上虞徐

咸清室有詠騷堂詩草

詩話祁氏一門風雅李越縵寓山四負堂渴祁忠惠  
公象詩有云承平回首閒居福月榭風亭看不足夫  
婦詩閨品畫詩弟兄別墅從絲竹蓋紀實也忠惠配  
孀生夫人有詩名嗣音才與相埒既歸仲山乃闢稽  
山門故居發所藏書對坐縱觀暇則抽廣各爲詩如  
是有年天台老尼從萬年來望見嗣音合掌曰此妙  
色身如來也蓮花化身相好光明既而咄嗟曰善持  
之幾見曼陀長人問耶於是仲山與嗣音約吾當著  
一書而子且從老尼請發願寫妙法遺華經三部以  
延其年嗣音於辰申二時寫梵貝三番凡三年畢後  
仲山試鴻博報罷馮文毅贈聯云北關上書識盡西  
京才子東軒賜食歸貽南國佳人仲山還里與嗣音  
相對觀書如故嗣音年八十容貌如二十許猶吟誦  
不輟其子夜歌深得樂府遺意正始集不選媚生與  
蔡王卿詩以全  
其志今從之

邯鄲才人嫁爲廝養卒婦

妾自承恩初同心縮雙結燦爛若明霞流霞不能涅晨眺  
漳河流夜臥叢臺月豈知中道乖蛾眉坐淪沒春風伴藉  
衣秋霜改元髮鏡臺寶髻疎羅裳暗香歇願作巫山雲朝  
朝反宮闕

美女篇

美女東城隅紅顏華灼灼垂垂十二鬟一一飛金雀初日  
照樓臺春游出宛洛采桑攀遠楊擗芳拊叢薄行路何脚  
躡中心諒有託不知誰家子白馬黃金絡強言立道傍翩  
然互酬酢本非淇上姝甯踐桑中約家無薄倖兒白頭負  
前諾贈妾雙明珠還君抵飛鵲日暮行歸來空閨守寂寞

子夜四時歌

蠟燭照空帷春宵難達曙袷衣不著綿預識中無絮  
弄水恐湔裙采蓮畏傷手花欹半面妝願得花間藕  
栖鳥夜不眠肅肅翻金井五更霜月昏不見雙桐影  
五彩織薰籠鑪灰皎如雪不棄炙殘香爲愛心中熱

讀毛西河瀨中集作

芙蓉露下小池秋金鴨煙消宿雨收爲讀西河新句好都  
梁艾蒨滿妝樓

彩筆翩翩映玉臺頻將繡帙向風開可憐杜甫驚人句不  
數陳留曠世才

弔張曼殊

覓得溫柔在帝鄉嬌花容易萎嚴霜豐臺自此游人絕芍  
藥將開盡斷腸

雲髻峩峩似洛神都人爭學百環新憑他學盡新妝巧不  
是才郎收淚人

邢德淵字改英浙江山陰人明蘇松巡撫諡忠惠彪佳

女姜廷梧室有靜好集

詩話毛西河少至邢氏東書堂時改英方從母商夫  
人學詩以西河通家子每出諸閨中詩屬以點定雅  
賞改英詩改英後歸姜氏夫歿逾三年仍縞素諸子  
位請易服不許康熙辛酉次子貢於鄉癸酉長子登  
賢書西河語以易服改英拂然曰謂此區區者遂足  
以易我心乎西河力言之謂未聞易服而卽可以易  
心者也世可易心不可易也改英乃  
曰可易矣西河有邢夫人易服記

送黃皆令

西風江上雁初鳴水落寒塘一櫂輕繞徑黃花歸故里滿  
隄紅葉送秋聲片帆南浦離愁結古道河梁別思生此去  
長塗霜露肅何時雙鯉報柴荆

祁德瓊字修媯忠惠公女諸生王鰲叔室

詩話媯生夫人深於詩學諸女躬承母教  
各得一體修媯詩骨情道自是閨中作手

送別黃皆令

萬山寒秋月一葦寒秋波美人理遠棹秋色低星河送君  
青雀舫贈君金叵羅別路不辭遠別酒不辭多良辰惜分  
袂分袂當奈何雖有千金裝何如五噫歌

和黃皆令游密園

朔氣晴開萬戶煙寒林落日點紅泉十年往事悲星散千  
里交情共月圓松徑猶能邀令客桃源應信有羣仙窈芳  
踏盡池塘路泥印蓮花步步妍

明月

明月當空照長河萬里秋井梧千葉盡籬菊一樽幽雁度

雲間影猿嘒嶺上愁蕭蕭玉珮冷對景怯登樓

寓山看梅

樓做雲陰薄傷心花外來風和新柳出雪盡老梅開香氣  
迎妝粉春光照徑苔貪看千片玉日暮尙徘徊

夜坐

坐久明鏡亂寒風入綵幃闌干七十二何處笛聲飛

採菱和黃皆令

採菱歌逐綠雲飛畫舫輕隨暮色歸楓葉兩隄搖碧水湖  
光一帶入羅衣

郝德茵字湘君忠惠公女諸生沈萃社室有寄雲草

詩話荆君詩學盛唐精究  
格律與修媽異曲同工

古意

憶昔與君別楊柳絲堪結芳草積如煙飛花亂成雪數載  
客京華念君遠別家欲知遙塞雪但看故園花芳時處幽  
獨蜘蛛網金屋細雨昨夜零春苔上階綠對鏡厭孤鸞凌  
雲怨黃鵠顛顛玉臺人腸斷珠簾曲爲歡須憶故爲衣莫  
道新願持江國月流照蘇門春

題錢舜舉鴛鴦

柳絲織煙金縷細綠波宛轉通春意錦塘一曲靜沈沈下  
有鴛鴦七十二交頸雙棲睡起遲煙輕沙煖豔陽時誰教  
錢選生香筆畫出多情崔珣詩

送別黃皆令

畫閣聯吟恰一年此時分袂兩淒然雲間歸雁路何處林  
裏飛花香可憐遠客青山皆別思仙舟明月已無緣懷君



日後添離夢寂寞荒村渡晚煙

憶益姊

拈來閣上黃金綫倚徧亭前白玉欄徒憶空圍懸畫板春風一夜杏花殘

惜花

花事闌珊又一年當門巖壑總依然落紅滿地休輕掃也  
算留春在目前

張德蕙字楚纒浙江山陰人祁理孫室

全謝山曰商夫人字豕婦曰楚纒字介婦曰趙璧以志閨門之盛

詩話楚纒詩格頗高時有名句御扇月初寒五字可以略見哭修鸞詩語語沈痛不忍卒讀

中秋

秋氣中天淨愁人獨夜看停橈江愈闊卻扇月初寒霜入

桐陰薄風飄桂影殘扣舷情未已露溼綺羅單

贈湘君

蘭房獨起遲無語對羅幃此意無人解深閨未嫁時

朱德蓉字趙璧會稽人諸生祁班孫室

毛西河曰聞秀朱趙璧憶夫祁六戍塞詩有句云曼  
華不落雁書稀吹盛京風土記盛京饒桃柳梨杏芍  
藥雞冠菊蜀葵茉莉番雞冠曼華卽茉莉  
番名占候云紫茉莉因風吹落雁皆南飛

游山

寂寞佳山水樓臺薜荔間野橋分竹路高樹繞溪灣徑曲  
留琴語杯寬破客顏夕陽鐘磬外猶有暮雲閒

送別黃皆令

青青楊柳枝飄搖大道傍大道多悲風游子瞻故鄉執杯  
送行客淚下沾衣裳憶昔弭遠棹明月浮景光杯觴極良

宴歌舞開華堂好鳥得其侶舉翼雙翔膠漆兩不解金  
石安可方分袂起倉猝永夜生悲傷吳山何渺渺越水何  
茫茫芙蓉慙秋波熠燿吐幽香採以奉所思所思難可忘  
上巳

桃花秋水滌春衣舊日蘭亭到亦稀斷岸羽觴晴日暖  
遑山橫笛暮雲飛沙棠舟落江鷗起玳瑁梁空澣燕歸尙有  
采蘋思未足不堪月色上羅幃

採蓮曲

綠葉羅裙一色裁芙蓉映水兩邊開欲將新曲頻頻唱恐  
有鴛鴦飛入來

詠虞姬

歌罷傷心淚幾行江山旋逐楚聲亡貞心甘向秋霜劍不

欲合情學漢殿

愁雨

煙雨重重宿鳥驚惜花愁聽落花聲只今閨閣應寥寂還

憶亭臺芳草生

寄修媽

莫捲珠簾對碧山山邊孤鳥日飛還如何百里相思路惟

有隨人月影閒

方維儀字仲賢桐城人明大理卿大鎮次女諸生姚孫

梁室有楚江吟歸來歎清芬閣集

詩話仲賢詩竹垞舉其白日不相照何况他人心中高樓秋雨時事異鳴昔謂近於孟貞曜年十七寡大歸守志嘗與伯姊如耀弟婦吳棣倩集古今女士之作爲官閣詩史分正邪二集又著擬諡述未亡人微生述其辭甚哀精參禪理旁及繪事其白描大士尤工壽八十有四光緒間同縣馬通伯撰姚清芬閣傳

伯姊之粵有贈

昨歲長溪來今歲粵中去此別又數年離情復何語明發  
皖江城山川隔煙霧皓月臨蒼波春風滿江樹

秋雨吟

高樓秋雨時事異往昔骨月東南居田疇稻不獲樹葉  
色將變寒蟲語幽石孤愁多苦心四顧成蕭索雲暗遠山  
峯獨坐苔階夕

讀蘇武傳

從軍老大還白髮生已久但有漢忠臣誰憐蘇氏婦

楚江懷節婦吳妹茂松閣

空林隕葉暮鳥嘯雲水迢迢隔皖溪夜發蒼梧寒夢遠楚  
天朗月照樓西

薄命同罹骨肉哀天涯書信遠難來愁心不似歸鴻影能  
逐湘江夜月回

北窗

綠蘿結石壁垂暎清芬堂孤心在遙夜當窗皎月光悲風  
何處來吹我薄衣裳

擬古

八月天高雁南翔日暮蕭條草木黃與君別後獨徬徨萬  
事寥落悲斷腸依稀河漢星無光徘徊白露沾衣裳人生  
壽考安得常何爲結束懷憂傷中夜當軒理清商援琴慊  
慨不能忘一心耿耿向空房

死別離

昔聞生別離不言死別離無論生與死我獨身當之北風

吹枯桑日夜爲我悲上視滄溟天下無黃口見人生不如  
死父母泣相持黃鳥各東西秋草亦參差子生何所爲死  
亦何所辭白日有如此我心徒自知

傷懷

長年依父母中懷多感傷奄忽髮將變空室獨彷徨此生  
何蹇劣事事安可詳十七喪其夫十八孤女殤舊居在東  
郭新柳暗河梁蕭條下霜雪臺閣起荒涼人世何不齊天  
命何不常孤身當自慰且免摧肝腸鷓鴣棲一枝故巢安  
可忘

出塞

辭家萬里戍關路隔風煙賦重無餘餉邊荒不種田小兵  
知有死貪吏尙求錢倚賴君王福何時唱凱旋

獨歸故閣思母太恭人

故里何須問干戈擾不休家貧空作計賦重轉添愁遠樹  
蒼山古荒田白水秋蕭條離膝下欲望淚先流

旅夜聞寇

蟋蟀吟秋戶涼風起暮山衰年逢世亂故國幾時還盜賊  
侵南甸軍書下北關生民塗炭盡積血染刀鏢

病起

空齋無事晚風前雨過苔階草色鮮遠岫雲開舒翠髻新  
荷池畔疊青錢衰年轉覺多愁日薄命何須更問天閒坐  
小窗初病起西林皓月幾回圓

方維則字季準大鉉女諸生吳紹忠室有撫松閣集

詩話季準與從姪仲賢俱工詩年十六寡壽  
八十有四亦與仲賢同附見姚清芬閣傳



題竹

小院何空寂相依獨此君  
雪深愁易折風急不堪聞  
白石移花影青苔擁籬文  
樓頭殘月上空翠落紛紛

葉寶林餘姚人明按察使憲祖女同縣黃宗義室

詩話寶林少通經義詩多見道之言迨續於黃聞郡中才媛以詩酒結社遂自焚其稟數卷

採花蜂

徧採名園萬樹芳  
春風鼓鑄滿篝糧  
徒勞巧醞三冬計  
詎料難留百疊房  
甘苦不須重借問  
艱辛回憶倍堪傷  
若還解得爲誰語  
隨分安身是道場

許氏漢軍旗人鎮平將軍湖廣提督諡襄毅徐洽都室

詩話康熙間襄毅鎮彝陵襄陽總兵楊來嘉舉兵應吳三桂與三桂將劉之復合兵犯彝陵時襄毅方出師援四川許夫人傳襄毅命約束將弁脫簪珥備軍襄毅還鎮來嘉等復來攻許夫人親督戰自成一隊

相為犄角來嘉等退復至總兵官解瀕江礮集夫人

頌焉蔡仁庵制軍毓榮入告景陵褒其忠奮襄毅

桃源土寇起孔夫人督兵剿平之

馬上歌

快馬輕刀夜斫營健兒疾走夜無聲歸來金鐙齊敲響不

讓鬚眉是此行

徐璨字湘蘋吳縣人海甯大學士陳之遴室

詩話湘蘋工詩詞尤善倚聲以燕京元夜詞得名素  
庵相國居政府時輟為拙政園詩餘旁精繪事嘗以  
從宦不獲供奉吳太夫人甘旨手畫大士像五千四  
十有八幅以所姑壽世爭寶貴畫宮妝美人筆法古  
秀衣紋如蕙葉間亦點染作花草素庵之諳同徒遼  
左七年素庵歿諸子先後摧折康熙十年聖駕謁陵  
湘蘋跪迎道左引佛先陳情疏請先臣歸骨遂荷賜環  
布衣練裳長齋繡佛更號紫管氏小居小相溪之上  
土人稱閭老廳後燬於火  
惟所謂南樓者歸然尚存

秋日漫興

帝苑芳春鳳吹譜看花曾徧洛陽街行吟緩控青絲轡擊  
節頻抽白玉釵共挽鹿車歸舊隱幾浮魚艇散秋懷霜風  
掃盡煙霞況愁見龍城葉滿階

隴頭水

西去窮荒恨東看故國愁一心懸兩地雙淚落風流羽檄  
秋偏急戎車夜不休壯夫輕出塞未到隴山頭

徐文琳吳縣人海甯副貢陳堪永室

詩話文琳爲湘蕪夫人族女幼許字素園相國季子  
堪永堪永從親戚所卒或謂文琳以他適以大義謝  
之後湘蕪得賜環文琳曰吾  
今有家矣遂歸陳以姪嗣

過蓮池菴訪圓明女師

精廬屈曲倚雲根松竹周遮不二門頓使塵緣都洗滌嬾  
將世網一評論山花徑繞名難辨齋磬聲沈日又昏小衲

壇前閒指點賜旛曾沐大君恩

紀映淮字冒綠小字阿男上元人映鍾女弟莒州杜李

室有真冷堂詞

沈歸愚曰紀詠桃葉渡中云波搖

秦代月枝帶晉時春亦稱佳句

詩話言綠遺夫被難與姑避深谷中幾面覓衣食供

姑得不死身與六歲兒皆忍饑凍詩詞係少時作夫

亡後曰此非婦人事也遂絕意吟詠王漁洋秦淮雜

詩引及阿男為映鍾所讓漁洋謝之後官禮部郎中

乃力主覆疏旌其閨笑曰聊以懣梅少年綺語之過

爾有名破大官莒州寧正者為冒綠從子漁洋訪得

遺詩即景挑

葉歌數首

秦淮竹枝詞

棲鴉流水點秋光愛此蕭疎樹幾行不與行人綰離別賦

成謝女雪飛香

即景

李花一孤村流水數間屋夕陽不見人牯牛麥中宿

桃葉歌

清谿有桃葉流水載佳人名以王郎久花猶古渡新檝搖  
秦代月枝帶晉時春莫謂供憑覽因之可結鄰

春日幽居

細竹深陰覆碧紗石牀書帙晝拋斜半簾細潤侵寒雨一  
衲孤馨染落花流水穿林尋野鶴夕陽歸樹護棲鴉春山  
淡漠無人共遙倩詩囊貯亂霞

畢著字韜文歙縣人王聖開室

詩話韜文年二十隨父宦蜀邱父戰死韜文率精銳  
入賊營手刃其渠眾潰與父屍還葬金陵之龍潭作  
詩紀事于歸後夫婦偕隱

紀事

吾父矢報國戰死於薊邱父馬爲賊乘父屍爲賊收父讐不能報有愧秦女休乘賊不及防夜進千貔貅殺賊血漉漉手握讐人頭賊眾自相殺屍橫滿阡溝父屍與櫬歸薄葬荒山陬相期智勇士慨然賦同仇蛾賊一掃淨國家固金甌

村居

席門閒傍水之涯夫壻安貧不作家明日斷炊何暇問且攜鴉嘴種梅花

宮婉蘭泰州人檢討偉鏐女如皋冒裛室有梅花樓詩

集

陳迎陵曰曲室唱酬才情朗揚仇儷之篤亞於墳麓矣婉蘭尤工畫墨梅雪葉風枝脩然有偃蹇瑤臺之思

元宵喜晤十六姪如岡

汝來恰值傳柑節我老驚看兩鬢銀回首弟兄多隔別相逢子姪獨情親梅殘正好迎新月楓放何堪又暮春帶水家鄉原不遠衰年惟有淚沾巾

海陵留別二嫂卜夫人

數月相依情更深殷勤棋局記知音黃花綠酒難爲別萬斛愁堆一寸心

冒德娟字熾婉如皋人褒女同縣石巨開室有自怡軒

詩集

鄧孝威曰予與無譽誼切葭莩稔知其閨闈貞靜勤敏而書史獨嫻左芬謝蘊自爾一柱風秀採其數章允爲林下傳誦

暮春

閒步空階有所思無端新綠又盈枝暮春天氣人如醉喜  
聽鶯聲未老時

曉起

曉來初起對窗紗日上珠簾弄影斜風動高枝黃鳥囀聲  
聲颯向碧桃花

秋夜

飄來紅葉忽成秋又見雙星兩地愁階下細蟲喧不歇簷  
前紫燕語難留空庭礎杵催長夜遠寺鐘魚逼戍樓薄醉  
欲眠猶未得綺窗遙望月如鉤

夏日

芭蕉深綠映疏窗高柳蟬鳴晝景長悶捲珠簾看日影鴛  
鴦相並立池塘



春閨

風動簾櫳春晝長鶯聲催起整殘妝獨行亭畔拈花朵不  
覺羅衣怯晚涼

錢敬淑字師令江甯人諸生談允謙室

詩話師令夫婦借隱城西小九華山之陽日相倡和  
詩不盡傳有句云夕陽新別路芳草古離情人咸誦  
之

泊浦子口

殘年泊征棹載酒數歸程雪圃芹芽白江膠竹葉青夕陽  
新別路衰草古離情隔岸寒山色凝眸望舊京

顧若璞字和知仁和人明上林苑丞友白女同縣黃茂

梧室煒母有卧月軒臺

詩話和知多經濟大文常與閨友宴坐縱論河漕屯  
田馬政邊備諸政每夜分執卷吟詠日使吾得一意

讀書卽不能補班昭十志或可詠雪謝處嘗於食頃  
作七夕詩三十七首人皆歎其敏妙年二十八寡歿  
年九十餘諸孫及諸女孫輩皆能拈韻賦詩和知生  
前每願而樂之有爲報九原相待客詩書一綫可能  
留之

秋日爲兩兒修讀書船泊斷橋作

聞道和熊阿母賢翻來選勝斷橋邊  
亭亭古樹流疎月漾漾輕鳧泛碧煙  
且自獨居揚子宅任他遙指米家船  
高風邊憶浮梅檻短燭長吟理舊氈

暮雨

澗草依依浮玉隄楊拂拂迷煙江  
上蒲帆欲沒村中桑女爭還

和夫子西溪落梅

遞迤入西溪溪深深幾曲斷岸掛魚罾  
茅簷覆修竹翠羽

何啻啾滿林香撲斂晴雪飛殘英坐愛傾蟻綠鹿門跡未  
湮與子同歸宿

搗衣篇

自惜盈盈十五餘不施粉黛歎幽居忽驚流浪雙頭鯉帶  
得交河一紙書讀書宛轉愁不息征人正在天山北天山  
高插礙星流漫駕紅鸞過十洲君掛雕弓控輕騎妾聞胡  
雁怨高樓滿眼風光轉眼歇昨夜紅顏換白髮搗衣聲斷  
咽霜風掩袖嗷多慘秋月秋月孤幃漏正長香奩寶篋耀  
華堂鳴璫四面鴛鴦結羅帳團迴錦繡香鳴璫羅帳芙蓉  
錦華燭蘭膏明未寢解將珠鏡光如刀留待君來照鴛枕  
飲盡金巵不見君湘簾怨卧煙氤氳羽書猶欲征邊塞願  
逐巫山一片雲

江上纈絲曲

桃花花繁楊柳垂  
纖腰嫩臉香風吹  
鶯兒調聲聲正滑  
堂上絲車鳴軋軋  
少年騎馬挾金彈  
青鞵朱舩紛夾岸  
纈絲終日不忍看  
寒螢早晚唳秋幔

自君之出矣

自君之出矣不理釵頭玉  
思君湘水深唳痕猶在竹  
自君之出矣鸞鏡不曾開  
思君如璧月皎皎照妝臺  
自君之出矣羅幔月娟娟  
思君如絡緯輾轉一絲牽

湖中

湖光渺渺冷煙微  
江鶯沙鳧佇不飛  
恰欲抱琴輕別去  
芰荷分綠上羅衣

感懷

不堪愁病強搔頭二十三年感百憂卻也不知方寸內如  
何容得許多愁

關王錢塘人

陳迦陵曰甲申之歲玉生十三年容貌端麗又有倍  
年之覺父母從少絕珍憐之父亡獨與母暨兄嫂同  
居宏光時徵選采女誤爲賣茶傭所給嫁其子曰令  
主職爨炊喂豕稍暇令鋤泥時灌足去縑約頭如蓬  
葆面目黃黑衣服泥汚玉悲甚仰天  
痛哭而作歌聞者莫不悲焉未幾死

感吟

西湖春色兩隄花陣陣鶯聲申柳芽我本無心植楊柳陰  
成都作夜棲鴉

李美儀鄞縣人鄞嗣女

奉和家大人草堂課耕韻

高疇新雨足布穀喚春耕千畝迴村綠三家結舍平犢肥

田豎喜鳥起草人醒惟有田翁樂悠然候歲成

東舍幽棲處柴門接野田一春滋草徑三月釀花天林雀  
喧晨霽鄰雞報午煙頻年收穫好膝下得驩然

吳山字岳子當塗人縣丞卞琳室有青山集

詩話岳子屬詞溫雅出入經史相對如士大夫以詩  
名海內垂四十年工書法晚好道得奇疾疾作則右  
手自動日夜作字不休或濡筆書紙上悉成元理疾  
止不復記憶凡二年而愈白髮朱顏奕然有丹砂之  
色鄧孝威題其集曰江湖萍梗亂離身破硯單  
衫相對貧今日一盞花雨外青山自署女遺民

新霽

新霽健草木林塘肆芬芳拂石竹陰晚地幽人亦涼遠天  
自空靜蟬風吹夕陽

法海寺

聞說隋家帝於此建宮闕種色玉鉤斜煬帝葬官人處年年芳草

發代往存形勝古刹依林樾輕風吹錦帆今昔一明月

望鍾山

天氣清無霞遠山益幽靄憑樓縱觀眺目與羣物會清風  
自南來竹樹生微籟歌禽唱金縷翠篠飄羅帶時佳景復  
麗賞心亦高邁延竚望鍾陵眷然悵松檜似覺古今短徒  
謂乾坤大念昔爽鳩氏川原鮮常在

集不繫園

兩峯不出雲十里春陰譜水上快鳥鷗簾前怨鸚鵡花寒  
不放香月瘦未見補莫謂近山晴遠煙還是雨

越城歌

越王城邊春鳥吟忽思美人歌舞心一朝歌舞向吳國水  
犀軍散劍池深姑蘇臺下草連天鴟夷一艇何茫然

泊舟香口

薄暮到香口風迴卽泊舟一溪分竹進兩岸斷江流落日  
明殘爍荒煙蘗廢樓籬邊雞犬靜寥落使人愁

秦淮舟集同劉李諸夫人分韻

一棹輕隨岸柳斜晚霞落日集名家六朝風物秦淮水三  
月春情穀雨茶隔樹嵐光青照眼護橋煙色白侵沙萬重  
樓閣闌干繞處處籬邊著好花

中秋

最愛寒光好處圓今宵何事轉悽然兩宮昔日繁華地百  
代清秋水月天鳧雁不關離黍恨湖山甯受後人憐聊乘  
一葉中流放風露依稀咽管絃

幽居



獨尋幽處結孤茅，泉石膏肓疾未消。  
放鶴啟扉歌醉竹，通泉鑿石跨飛橋。  
露香秋老收蓮種，花雨春深課藥苗。  
食罷行吟循澤畔，櫂歌聲引夕陽潮。

徙倚

自傷蓬跡遠常羨旅鴻歸，昨得家人信。  
青山滿蘼蕪。

題畫

雪意滿前山，蒼雲落寒樹。  
扁舟人不歸，想在谿中住。

清明

而今何處覓桃源，風雨清明且閉門。  
春草萋萋歸不得，江南多少未招魂。

姑蘇棹歌

水色連山青欲流，漁人終日掉輕舟。  
一條古路分吳越，直

到錢塘江岸頭

水轉楓橋徑轉幽人家綠樹映高樓木犀秋滿山塘上一路清香到虎邱

寒食憶逝

去年此日買蘭橈薄暮輕陰轉石橋未到平山明月上水香深處共聞簫

三月清明風雨斜江城花柳帶人家春花落盡悲春去尙有來春發舊花

廣陵雜詠

檢點游裝問有無欲呼雙鹿駕柴車一椽傍水留新句幾擔移家只舊書

一榻殘書兼旅思半窗燈火與疏鐘靜看六代江南志坐

盡維揚夜雨濃

新雨足時芳草綠野棠開處鶉鳩鳴只今曾閱人多少感  
盡江山萬古情

悵望遙天羨鳥歸落雲深處暑光微荒階漸有蟲聲出秋  
欲來時細雨飛

卜夢珏字元文號篆生江甯人劉師峻室有繡閣遺藁

陳迦陵曰石城卞元文母曰吳巖子夙擅

詩歌西曲諸女郎能音旨者靡不宗卞  
詩話梅村題西洽閣詠序有云石城卞君者系出  
居隱借登室巖子著同聲之賦元文詠嬌女之篇辭  
旨幽閒才情明慧漁洋有觀卞篆生書扇詩云雙峯  
南北盡紅葉畫靜瓊閣啟碧虛鸚鵡雛初教賦櫻  
桃小閣獨攤書名篇綺密知難並諸界天人  
總未如若許他在尋白社丹青簾外蕩花居

湖樓

一湖幽況送詩篇畫閣初晴暮捲簾兩岸煙嵐飛鶴點數

聲鐘磬醒鷗眠山從虛鏡遺真影塔向空天立自然多少  
白雲分片段悠悠竟與遠峯連

去半塘

半塘容膝半年多一別渾如一夢過記得山光青似黛肯  
忘水色碧於螺邯鄲盧子留萍跡蝴蝶莊生笑網羅不是  
櫓聲雞唱候此身猶自滯南柯

落梅

靜夜新雷雨欲滋無端愁爲落梅支因追灞上初春日轉  
念孤山二月時香雪易飄風細細飛瓊難挽柳絲絲問梅  
那得情如我祇恐桃花笑也癡

詠六月小庭落葉

深篁蔚卉未知秋幾葉稜稜似探幽月檻風窗聊寄傲石

屏蘿磴漫稽留遲歸恐值吳江冷先遜奚慚御水流依約  
曉階迎曙色古槐高柳鳥聲稠

陸觀蓮字少君號雨鬢道人嘉善人父丹生室有蔣湖

寓園草

詩話雨鬢誕時母夢大士手授蓮花故名觀蓮與夫  
借隱於震澤西村卽陸魯望鬪鴨欄地也後以避水  
居蔣湖之西  
園遂名其集

蔣湖寓園對月

青天掛明鏡輝光照我牀展轉不能寐起坐空徬徨徬徨  
亦何爲曰思我故鄉瓶齋舊隱處乃在茜水陽廿年幾播  
遷渺渺天一方回思手栽樹橘柚徒含芳安得生羽翼摩  
天一翱翔

寶劍篇贈外

吁咄哉荆卿劒術既不成雖有寶劒徒空名千年黯黯閉  
秋水雙匣渺渺埋龍精狐狸夜鳴風雨惡蛟螭晝舞波濤  
驚我持此劒若明月眾星朗朗隨其行又持此劒若白日  
羣妖退走櫓槍平櫓槍平眾星沒送君贈君君莫惑古來  
遇合自有時神物出處當知之

辰山步虛詞

鬱蕭宴罷列仙歸彩鳳青鸞各自飛勅賜珍珠三百斛滿  
身瓔珞繞天衣

念沈氏老姊

昔聞桓山鳥四海各分飛念我同生子四女相因依辛苦  
效反哺力盡心亦微仲姊久長逝淚落不可揮所遺我三  
人戀母願空違伯也失所天忍死鞠孤兒兒年近四十與

婦同分離煢煢一女孩遺嫁時來歸上堂問祖母終朝無  
苦飢嗟子季與叔相見時亦稀撫琴彈此曲此曲聲殊悲  
爰默字齋季小字墨姑嘉善人丹生女有閨隱集

詩語齋季九歲能詩習小楷摹畫李龍眠白描大士  
刺繡刀尺靡不精妙年十六未字母亡三日齋季亦  
卒其自跋詩  
卷駢語清麗

和母寶劍篇贈兄

牀頭夜半雙龍吼光攝羣妖暗星斗風雨霹靂一瞬間木  
拔沙飛石亂走古來神物本平常遭時遇主生晶光拂拭  
霜花將解贈時無烈士空徬徨空徬徨莫太息木蘭啣啣  
當戶織阿兄年少射白額歸來摩挲看太白

憶震澤西村

忽忽難忘處西村明月中荷花低拂露菱葉靜含風煙火

經旬斷音書隔歲通茅堂知在否應有白雲封

和母寄父

白髮親闈百里遙那堪風雨更蕭蕭山中對酒愁應減客裏看花凍未消覓句小時追謝韞著書他日擬班昭夜窗彈出思歸引阿母相依慰寂寥

侯綦宜字儷南嘉定人岐曾女龔元侃室有宜春閣草

詩話儷南爲文館幼女適龔家貧躬自操作不廢吟詠有遺懷詩云三旬九食賢人厄麥飯蔥湯婦道乖剩取苦吟磨鐵硯空留蓬鬢憶金釵高致可想

病中述懷

秋風策策雁來遲病况纏綿強自支有藥難醫貧到骨無錢可買命如絲燕臺夢隔三千里槐枕腸回十二時兒女關情誰判遣聊憑一紙寄君知



記原大兄邀看桂

紅衣半褪憶蓮塘又報秋香一樹黃不待折來心已醉  
年年花下爲開觴

侯懷風字若英嘉定人峒曾女秦宜從妹

秋閨

桂華香霧鎖迴廊水閣沈沈秋夜長月轉梧桐翻瘦影風  
搖菱荇蔽清光子卿自得歸鄉國定遠何當老朔方望斷  
衡陽飛騎杏側身懷古一沾裳

感昔

黃河流水響潺潺當日腥風戰血殷大地盡拋金鎖甲長  
星亂落玉門關居延蔓草縈枯骨太液芙蓉失舊顏成敗  
百年流電疾蒼梧遺恨不堪攀

秋懷

秋氣膠膠不自持幽蘭小檻暗香披  
千原煙雨迷禾黍一水蒹葭隱鷺鷥  
開表不知金燼冷揮絃更雜遠鴻悲  
班姬紈扇清商發蘇蕙璇璣白晝遲  
風翦梧桐黃鵠舞月窺楊柳綠縈垂  
魂驚篔簹簾蕭關道淚盡琵琶凝碧  
池征婦裁衣憑玉尺美人汲露下冰  
墀轆轤不斷千家井何似閨中夢裏  
思

少年行

章臺蹀躞紫驂騮繡轂雕鞍翡翠裘  
歌舞不知銀箭急日高酣卧在青樓

侯承恩字孝儀號思谷旭女有松筠小草盆山詩

詩話思谷工詩詞善琴弈年未及笄積稟成帙有愁生明月夜人瘦落花天之句爲時傳誦

漫興

立身重意氣黃金何須有富貴非本願山林宿所耦清肅  
峻門牆箴規日謹守閒或理琴書健還操井日衣須裁稱  
意食惟期適口栽菊取晚香種松因耐久煎茶委小婢燒  
花必自手樂在可忘憂事簡無取咎翻覆任世情是非休  
深究

記夢

理罷絲桐月色瑩小窗無語黃昏靜銀鐙挑盡夢初成飄  
然似入蓬萊境蒼松古柏若龍盤瑤草琪花滿三徑玉洞  
瓊瓏路漸深青鸞白鶴聲相應娉婷仙子笑來迎謂子到  
此游何勝俄而引至玉樓中笙歌齊奏方開飲麟脯瓊漿  
取次供冰桃雪藕還貽贈須臾筵散步層巒舉頭四望如

明鏡峯迴路轉近林泉丹桂香清風露冷塵寰回首隔千  
重山水蒼茫不可竟方擬躡雲天上游鄰雞喔喔旋驚醒  
窗前月色尙微微四壁寒光浸孤影

秋夜

露白銀河淡庭虛皓月融寒蛩吟破壁哀雁叫長空鳳閣  
簫還咽湘靈曲未終緣知腸斷處不待五更風

春閨

邇來多病起常遲嬾對青菱理鬢絲簷鐵乍驚幽夢覺心  
情惟恐落花知江天雁斷書千里庭樹春深綠滿枝風景  
惱人禁不得倚欄聊復試題詩

梅花

冷豔原無異孤高自不同羅浮明月夜香徹夢魂中

林下誰爲伴冰霜只自知生成貞潔性紅紫不同時

曉起

淡淡鑪煙薄薄霜曉寒夢斷竹匡牀生憎杜宇花間語喚起新愁上海棠

倪仁吉字心惠義烏人諸生吳之葵室有凝香閣彙

詩話心惠早寡無子事姑甚孝歿年八十少聰敏通文史兼工書畫刺繡亦精繡心經一卷素綾爲質刺以深青色絲若鏤金玉妙入秋毫晚年戴絨帽被褥晏坐一室中校刊圖書得句則出名紙以精毫書之池北偶談紀其手種方竹數十竿甚愛惜萊陽董樵處士游婺郡倪高其人斫一枝贈之其性情絕似山澤舊儒不復如閭閻中人

題宮憶圖

調入蒼梧斑竹枝瀟湘渺渺水雲思聽來記得華清夜疎雨梧桐獨坐時

山居雜詠

照影雙飛燕新來補舊居  
芹塘泥最淤慎莫墮琴書  
紅葉恰翻階露氣曉如沐  
山雨忽欲來新香時斷續

倪宜子義烏人

詩話宜子爲仁吉猶女仁吉稱其天姿穎異凡琴棋  
簫管詩畫鍼繡靡不通曉因所天留燕往從之旋卒

歸甯得家姑詩步韻

征鴻過處得瑤箋不見鸞  
駟意倍煎澗畔尋花思舊日  
林邊聽鳥俟他年煙雲變幻  
山仍在人事淒涼世已遷擬  
訴睽違千萬恨幾回捉筆淚  
潸然

立秋有感

一葉梧桐大火流如何令我蚤  
知秋裴姬懷遠思裁練蘇  
子羞歸欲敝裘短篴吹來皆別  
恨瑤琴弄罷盡離愁憑闌

空盼新鴻至那有音書付與收

夏汴字湘友無錫人薛旣央室

懷吳蕊仙

癖耽翰墨費吟哦欲寄愁心到薜蘿江外故人青眼在山  
中女伴素書多天涯鎗火誰同調歲暮冰霜獨抱疴彈指  
流光容易擲家園歸夢近如何

吳朏字方恆一字華生又字凝眞號冰蟾子江南華亭  
人明承天府通判吳丕顯女孫同縣諸生曹焜室有

忘憂草風蘭集獨嘯集采石篇

詩話凝眞七歲讀書敏慧既長於女紅之餘博覽羣  
籍歸曹氏後相夫事姑以賢孝稱工詩詞宅有小西  
閣梅花繞屋彌詠其間尤善六法山水花鳥靡不精  
妙福清魏惟度新城王西樵皆遠乞其詩詞嗣子重  
婦李玉燕並能吟詠

遠眺

秋光瀟灑散平湖水白沙清浴野鳧近渚風多殘葉落遠  
山雨過野雲孤閒將靜閣供憑眺淡取疏煙入畫圖夕照  
漸低村樹隱銀蟾一點漏疏梧

豔曲

金屋暖長春蘭階人似月但願如月圓不願如月缺  
贈妾紫金環遺郎白玉玦郎恩環不解妾心玉比潔

採蓮曲

弱柳繫游鶻叢花映嬌面郎珮紫紋囊儂從扇底見

曹鑑冰字月娥號葦堅金山人重女婁縣張日瑚室有  
清閨吟繡餘試硯草與祖母吳朏母李玉燕合編詩  
稟曰三秀集



詩話葦堅續學食貧與夫偕隱以女師講授諸經造請者稱葦堅先生工詩詞畫

蓮花

紅藕花開夏日長薰風吹動滿湖香清標自合稱君子卻把姿容比六郎

送春

鶯歌悽惋燕飛忙似送東風過柳塘翠葉有情眉黯淡粉花無力意悠揚茫茫塞北關山遠漠漠江南道路長猶幸睽離非隔歲相逢擬待臘梅黃

秋日漫興

柳經秋老不藏鴉景物因時莫浪嗟一卷楚騷忘午倦數聲齊女咽殘霞榮華心已沾泥絮冷淡情猶溼雨花倚徧曲闌難自遣瓦瓶汲水獨煎茶

搖落何辭兩鬢蓬  
自開竹牖引涼風  
倉皇蟻陣秋苔裏  
擾攘蜂衙曉霧中  
世事久知同夢鹿  
人生須信易沙蟲  
分明靜處真仙境  
休憶蓬山問路通

柳煙

濃抹千條綠  
春殘未肯收  
楊花輕撲處  
漠漠使人愁

花露

春露落花房  
花如向曉妝  
紅珠千萬粒  
無粒不生光

竹雨

欲折亭亭節  
斜侵苦莫饒  
不曾留一點  
惟覺韻蕭蕭

松風

飄入巖松裏  
紛紛分外清  
縱非陶宰相  
聽去亦怡情

送愁次秋山韻

乘人閒處卽相纏緊壓雙眉太可憐不是無情送君別再  
留惟恐損春妍

柳

撩煙拂雨畫橋邊日送行人劇可憐更恨西風斜照裏摧  
殘猶帶一聲蟬

彭琬字玉映海鹽人總兵馬孟驊室有蘿月軒集

王玉映曰琬詩巧慧  
俊冷不作淺浮小語

懷王辰若夫人

湖上煙生碧樹枝柴扉晝掩落花時何當得覩雙星貌空  
羨攀來道韞詩曲徑茶香留夜月朱欄鳥下看圍棋三春  
風雨愁深淺病骨支離無限思

彭琬字幼玉琬妹朱化鵬室

陳迦陵曰幼玉進士孫適從姑也遺集一卷最新警  
王十一曾以小蜜花箋書其銀河吹笙一詩詩云銀  
河吹徹玉笙遲清漏迢迢睡覺時巫峽雲歸俱是夢  
鮫人淚滴盡成絲霜衾抱月羞孤影露葉驚風別故  
枝偶遺記末二句幽思怨  
緒故自使人不能終曲也

懷王辰若夫人

碧草萋迷接柳枝  
恩恩良晤夕陽時  
纖眉畫就春山色  
素紙裁成白雪詩  
風送花香沾去袂  
烏嚙竹徑冷殘棋  
歸來靜掩閒庭月  
欲向清光寄所思

病春

半簾垂柳夕陽斜  
香冷閒窗日便賒  
莫道朝來不憔悴  
撩人偏恨牡丹花

九日

鳴蟬無語戀寒枝  
正是登高病起時  
忙裏不知秋色老  
青

山紅樹夕陽垂

佳節徒增寥落心  
秋空無雨晝陰陰  
年華不似愁依舊  
寂寂幽庭聽遠砧

彭孫倩字變如海鹽人侍郎孫適女兄知縣陳龍孫室

有盤城游草

詩話變如與兄羨門侍郎兒時同  
塞讀書聽慧絕倫有思芬之目

夜聞絃索

寒釭挑盡已三更  
何處歌聲惱客情  
殘月紙窗眠不穩  
照人離恨太分明

王慧字韞蘭太倉人學道長源女諸生朱方來室有疑

翠樓集

沈歸愚曰韞蘭一門風雅得所承受故其詩清疎朗  
潔其品最上王漁洋祗賞其一縷柳花飛不定和風

搭在繡牀前猶以

尋常閨閣待之也

詩話韞蘭讀書秉禮早喪所天所者凝翠樓詩不示外人年七十餘其弟見之乃什梓行世長律或至千言古體輒成數十韻風格時近老杜

### 山陰道中

出郊忘遠近十里清陰中川陸互回沒延緣遂無窮岡巒去殊勢竹樹交成叢安知蒙蒙處下有溪流通石橋路可尋一轉迷西東煙空人不見寂寂山花紅

行行轉深迴所得益幽奇萬壑與千巖今來始見之紛紛紅復碧相引呈異姿心目所應接人各領其私煙縷出叢薄山家住茅茨人世杳然隔何殊太古時

### 夜寐聞鵬有感

微風動簾幃明月穿窗紙淒其夜三更萬象寂於水牆頭

有棲鵬長嘯慘人耳聞之心凜冽百慮紛然起痛死腸暗  
摧念鬢髮怒指因憶泉下人卧病當秋始血枯夜不眠神  
虛聽無主忽聞此鳥鳴失驚向余語恐是不祥音悲哀念  
兒女執手魂已消相看淚如雨回視壁間鏡青熒如豆許  
哀哉念此境又易兩寒暑其間翻覆多變幻難枚舉鬼蜮  
肆欺凌孤梵頻九死伶仃諸雛弱何以禦狐鼠愁攻與恨  
積胸膈漸成痞恐復蹈覆車誰可託遺累勉力事刀圭葆  
苓貴無比糗糲尙艱辛何力能致此微生任浮沈得失憑  
天矣

冷泉亭

泉聲檐檻外林壑杳然深人世熱何處我來清到心松林  
藏日色潭底卧峯陰一自樂天記山光寒至今

秋夜夢同先慈賦詩得天上桃花之句覺後因足之  
太華峯頭見上眞霞衣綽約是前身海中若木何嘗夜天  
上桃花不計春瞬息去來原是幻片時歡笑亦相親鐘聲  
已碎昆明劫好向毘伽問後因

鄰女因壻無籍淪於塞下聞而有感

曾向鄰女共絳紗裁雲詠絮鬪芳華香沾繡帙同分綫春  
暖妝臺互送花漫說羅敷原有壻可憐蔡女竟無家於今  
辮髮垂雙耳紫塞斜陽泣暮笳

移居茜里舊宅

新塘一水繞街東舊是桑麻五畝宮松菊尙存思祖德蓬  
蒿不翦見家風花深雞犬疎籬外潮落魚鰕小市中卻愛  
堂前雙燕子還尋故壘入簾櫳



禹陵

明德彌蒼昊神功邁大庭懷襄方盡力韜櫟極勞形草木  
開蒙昧龍蛇滌穢腥鑄金九土貢誌怪八方經蒼水先呈  
簡防風後至刑相傳弓劍棄此地隧泉扃三古遺祠廟千  
秋共薦馨璧牲前代典碑版列朝銘深殿從羣后空山走  
百靈舊聞雲罕駐今見翠華停心法傳河洛天章煥日星  
殊恩沾後裔異數出明廷肅穆瞻新像登臨泊小舫城垣  
辭鏤琢戶牖炯丹青莫覓藏書穴徒看窆石亭蘿長聽竄  
跡松老鶴修翎眾水環襟帶諸峯列嶂屏橋山同故事寂  
寞對秋堦

宗室縣君安郡王岳樂女孫固山貝子蘊端女總督諡

懋勤那蘇圖子婦

悼珍浦曰貝子卽紅蘭主人又號玉池生以詩畫名  
世縣君薰習庭訓工寫花卉然不輕以示人此詩得  
之舊藏扇頭殆  
言光片羽云

題自畫牡丹

風風雨雨惜春殘爲愛名花倚畫欄淡著胭脂濃著墨一枝圖向畫中看

希光鈕祜祿氏滿洲旗人協辦大學士諡文勤永貴子

婦員外郎伊嵩阿室

詩話希光於夫病篤時誓殉夫以弟妹幼一女無依  
語之希光勉從夫言及十年於弟妹婚嫁後以家事  
付弟婦越歲於嫁女之次夕風詩自經文勤錄詩素  
聞舒高宗硃批著伊家好好收藏特賜旌表希光曾  
和舒文襄子婦棟鄂氏殉夫絕命詞其  
稟已佚述志一篇冰稜雪操卓然可傳

述志

萬蘿松柏爲婚姻崢嶸夫婿超凡倫盈門不須誇百兩入

座卻喜驚千人三周御後諧紅燭華屋金堂伴珠玉春風  
秋月見情懷得事秦嘉願已足一從清館理瑤琴恩禮殷  
勤契合深白璧寒冰知妾志高山流水識君心如賓如友  
意方遂誰知運阨龍蛇歲得疾三旬尙未痊馳驅千里隨  
朝貴病中作客病彌增書報平安那足憑去後妾惟心戚  
戚歸來夫已骨稜稜倚枕纏綿勢愈重膏肓二豎誰能送  
一時和緩總虛聲百劑參苓皆浪用眼看一局欲全輸百  
計維圖拯我夫聞說通靈惟割股此時那惜肌膚苦白刃  
如霜忍痛剗一鬢偷持和羹煮愚孝愚忠一寸忱皇天后  
土鑒應眞今日癡痕在弱體當時血迹滿羅巾人定勝天  
竟虛語精神耿耿渾無補瑤琴錦瑟歎淒涼可憐一旦成  
千古傷心萬事盡彫零弟妹多人尙弱齡伯道無兒悲似

續中郎有女痛零丁妾亦何心立人世泉壤同歸蚤決計  
餘生尙在非貪生強持妾意從夫意臨危執手語諄諄嫁  
娶經營委妾身泣言身了事未了惟恃卿存卽我存我夫  
託我深知我我不報君烏乎可一死從夫妾不難前言不  
踐死何安九原會有相逢日遲速須知事一般向平嫁事  
今已竟十載要盟此日應夜臺銜命報夫君嚼蘂肝腸差  
可證

新年拜墓

東風驚冷夢嗚烏暗催人強起傷新節驅車感夕塵泉臺  
應有淚人世已無春不盡傷心事淒涼獨愴神

陳書號上元弟子晚號南樓老人秀水人堯勳女同縣  
錢綸元室太傅諡文端陳羣母有復菴詩藁

詩話南樓數歲能誦詩習禮見法書名畫摹寫逼真  
母錢太夫人恐妨女紅禁始命從師盡受諸經嘗繪古  
當以翰墨名世其勿禁後家貧紡入僅供饘粥不  
列女象於室朝夕省觀嫁後子課讀於紡車旁文端既貴  
足則霽畫以繼自識樂府蒙裕陵題詩有嘉禾賢  
繪夜紡授經圖自識樂府蒙裕陵題詩有嘉禾賢  
援之哀南樓工畫山水人物花鳥並臻逸品  
平生潛心易理取復卦名所居小室曰復菴

題自畫秋葵贈鄒太夫人

一桂之母

葉出裁青玉花舒染淡金不存脂粉態自有向陽心

盆中小松

數尺來何所風霜鬱斷枝雖非老邱壑且喜傍書帷  
偃寒逃斤斧青蔥耐歲時天公如有意留雪伴寒姿

團扇詠

團扇復團扇皎兮若滿月明月有盈虧赤日豈長烈  
鶉火倏西流金風滅炎熱棄置莫怨嗟暫作經年別

題人畫水仙

伊人不見渺湘波，一夕寒窗夢澗阿。  
琴語漫隨流水去，仙情只覺在山多。  
招來春訊生冰雪，抱得冬心謝綺羅。  
獨坐南樓研畫學，趙家筆法較如何。

吳宗愛字絳雪，永康人。教諭驥良女同縣徐明英室有。

六宜樓彙綠華草

詩話絳雪才色並絕，父為校官絳雪從宦在秀州與  
吳素問女史善，既還永康，屢寄以詩，嘗用瓊瑤圖例  
為同心，梳子圖外為六出象，梳子花，其緣各書七言  
詩一聯，內書八十一字，以雪字居中，析為兩山二字。  
縱橫回互，讀之得五六七言，計及長短句四十餘篇。  
其巧慧類此，歸明英數年而寡，賦精忠為亂，其將徐  
尙朝略浙東，兵向永康，宣言以絳雪獻者，免絳雪，騎  
概請行，賊遣騎來迎，至三十里坑，給賊騎取飲，策騎  
至山巔，按崖死，時康熙庚寅六月二十九日，絳雪年  
二十五，黃憲清韻珊為譜，桃谿雪傳奇，紀其節，吳廷  
康，康父官其縣，為編刻遺詩，邑東芝英莊，應氏藏有  
絳雪書畫光緒間以修志補傳有據，當時人日記持

異議者寢致涉訟陳六舟學使按臨金華以絳雪命  
題課士通場多主表章劉治襄編修焜時爲諸生作  
長歌挾張芳烈辭尤翔實學  
使取第一士論翕然遂息訟

春日懷素聞

別來愁緒起無端窄袖輕衫怯曉寒原上草薰春益益心  
中人隔路漫漫疏風小圃宜鶯粟細雨新蔬採馬蘭相憶  
無緣教縮地芳華不共倚闌看

舟泊蘭江

久客歸心急遠旌黃昏喜見故鄉城帆檣繞郭人音雜  
鐘火臨江夜市明斜月女牆寒擊柝秋風官渡遠鳴鈺歸家  
剛值黃花節促換輕舟趁水程

齋居雜詠

春雨何纏綿幽閨聽不足昨夜吐明蟾清光如可掬晨起

覽窗紗灼灼明朝旭  
苔色自蒼涼  
庭柯淨如沐  
頓復起濃陰  
峭寒風斷續  
乍雨乍晴天  
雲霞無定局  
關心數殘紅  
循關行屈曲  
一鳥忽飛來  
唳破晚煙綠

王駙馬園林

畫戟淒涼對落暉  
園林有願竟心違  
殘花帶雨依荒砌  
老柏參天守故扉  
鳳去秦樓池苑在  
鶴鳴華表市朝非  
春來賸有堂前燕  
猶向妝臺故址飛

秋日園林卽景

數日無人到秋風  
一味涼蟲聲疑雨落  
蝶翅學花黃  
樹老依殘砌  
藤高出壞牆  
危闌聊倦倚  
竹外又斜陽

元宵

佳節金吾全不禁  
鼇山處處鬪鮮妍  
笙歌地覺春如海  
鏡



火人忘月在天醉酒歡聲聞比戶拋毬雅戲樂韶年歸家  
姊妹餘喧笑猜謎傳來五色箋

樓眺

幾天梅雨後新水正盈隄閒愛登樓眺時聞好鳥嘯雄風  
吹野闊雌蜺跨山低只惜光陰速晴莎入望齊

聞琴琵琶憶九歲時從先君之秀水於江上聞此曲今

十二年矣

低唱清尊無限情四絃何處韻淒清分明暮雨春江上十  
二年前倚舫聽

翠香二姊將以次子爲余嗣志感

湯餅清歡會九秋試嘒早欲卜英道人言似舅誇無忌我  
覺生兒義莫愁不是悲愉關骨肉誰能戶牖代綢繆添丁

東坡集言圖卷一 下ノ二三  
三ノ  
欲向先夫告好慰蒼涼土一抔

黃媛貞字皆德秀水人知府朱茂時繼室有雲卧齋詩

集

秋窗閱史

幽懷閱古今歎息因何設君心味虛靈孤臣恨難徹負卻  
精誠言向彼炎曲舌咸若堯舜仁如何有興滅林下秋來  
風夙夜吹不竭

春日行

蝶粉蜂黃春習習無言立在欄干側情懷不勝風日香離  
別那堪楊柳色花飛花飛飛若何美人紅淚沾香羅天路  
蒼茫不可涉水濼濼兮山峩峩

春閨詠

雲飛月落天將明  
新鶯嬌囀前窗聲  
琴書相向兩無賴  
無端獨自愁盈盈  
娥娥紅粉簾櫳裏  
閒花滿瓶插香水  
流蘇輕揭曉光寒  
強自添衣情已矣  
春風吹人人更愁  
紅日未滿欄干頭  
如何如何夢不在  
鷓鴣嘯上花間樓

秋夜歌

寒蕭蕭兮清夜中  
欄干十二留西風  
西風愁人愁如此  
冷蛩聲徹羅幃空  
閒心更惜秋光老  
總是深深結懷抱  
翠被香餘繡枕單  
復起鐙前翻舊稿

立秋日夢分得成字

窗前修竹洗來清  
且理琴書託此生  
涼到半庭分夏去  
夢將一字許秋成  
凌虛久接梧桐影  
孤坐新驚礎杵聲  
我意正悲時節易  
更教重論月中情

晚望

秋空木葉寒日落湖雲冷微雨滴梧桐安知別離恨

黃媛介字皆令媛貞妹楊世功室有湖上草如石閣漫

草

詩話皆令幼好吟詠工書畫惜法仿黃庭經畫似吳仲圭其詩初從選體入後宗少陵既嬾於揚食貧自樂嘗作離騷歌序云子產自清門歸於素士乃自乙酉逢亂被劫轉徙吳閩羈遲白下後入金沙閉瑣橋東雖衣食取資於翰墨而聲影未出於衡門商夫人景蕭蕭以詩云門鎖蓬蒿十載居何期千里觀雲裾才華直接班姬後風雅平欺左氏餘八體臨池爭幼婦千言作賦疑相如今朝把臂隣同調始信當年女校書王端淑有寄皆令梅花樓詩云買船急欲探先春風雪偏羈病裏身聞有梅花供色笑客途如爾未全貧凍筆塗殘半是鴉刺溪渺渺竟迷

湖中秋日

憂危只有客心微贏得湖光蔽竹扉囊有千詩聊寄賞家

無四壁亦懷歸青山斷處饒紅葉黃菊開時少白衣近水  
陰晴容易變忽驚風雨打窗飛

湖上

西子湖頭千頃春風光不屬去來人朝風夕靄誰收得半  
在憑闌半釣綸

李因字是菴號龕山女史晚號今生會稽人海甯葛徵

奇側室有竹笑軒吟藁

詩話是菴作梅詩有一枝留待晚春開之句畫法白  
陽山人從宦十餘年每遇水木明瑟風日清美輒攜  
墨作畫黃梨

州有李因傳

鷺嶺山莊尋秋

十丈懸崖挂薜蘿參雲峯頂見嵯峨間搜怪石秋林晚獨  
聽殘鐘曉月過黃葉山前人跡少白雲天際鳥聲多冷泉

亭下潺潺水不許漁舟唱棹歌

長安秋日

高樹秋聲入夢遲  
夜來風雨簾涼時  
季鷹自解歸來好  
縱乏蓴鱸也動思

湖上鏡閣

髻壓雙螺春事賒  
釣綸來往自浮家  
小橋柳色朱闌近  
檻外溪光送落花

舟發潮縣同家祿勳賦

拂衣去去急白髮  
半愁中過客天涯  
少行廚楮拙空禪關  
山月黑魚柵夜燈紅  
松菊聞無恙鋤書可耐窮

秋江晚泊和豫章李夫人韻

石尤風急泊沙灣  
日落寒江鷗鷺閒  
秋水空明千里荒

煙暝鎖萬重山樵歌野唱猶行路僧寺殘鐘獨掩關潦倒  
篷窗愁客夢漫披詩史手重刪

春日家祿勳聞命南歸感懷作

欲賦高軒過門前到者稀楊花衝幕入猶落故衣

京口道中卽事

雲暗篷窗晝啟遲綠陰新覆樹枝枝明珠買得潯陽女一  
曲琵琶古別離

哭介龕祿勳公

秋聲風急閉重關淚寄瀟湘疏竹斑莫問蒼梧多少怨至  
今石化望夫山

葛宜字南有海甯人諸生朱爾邁室有玉窗遺草

詩話南有生甫二年其伯母曹孺人愛之撫爲己女  
八歲時曹孺人挈之觀潮海濱日觀山人年十一亦

隨其母聰龍王祠下二母並有佳兒佳婦之目遂締  
姻好南有幼警敏入歲受女小學及明心寶鑑能曉  
其大義既婚日事吟詠後以蛇嚙致疾厥疾歷十九  
年桓在病榻一夕夢中忽朗誦而起日觀亦驚寤得  
蕭蕭木葉送殘秋之句以爲不祥南有果迺其玉窗  
遺草諸體皆工類自述其宥往專一之思初刻於康  
熙中乾隆  
壬辰重梓

擬古呈家日觀

迴車駕言遠迢迢適長道四望鬱蒼蒼秋風吹百草上山  
山高高涉江江浩浩萬物各有時應須置身早

古詩

初日當窗牖盈盈樓上婦朱顏若桃李寶釵耀鬢首自言  
十五餘同心備箕帚山川一何遠別離日以久春風陌上  
來吹我簷前柳

寄日觀讀書靈鷲



明月夜何皎獨照離人思憶別若爲情悲歌空自知春風  
吹客帳山館鳥聲遲百里烽煙隔何時共賦詩

明月照高樓

明月照高樓皎皎多光輝上有蕩子婦憑高獨徘徊徘徊  
復何如灑淚沾裳衣思君不能語忽忽如調飢朔風吹庭  
樹賤妾將何依願作高山鳥飛向君懷棲君懷不我顧嗚  
聲悲以悽四海抑何曠分飛東復西

凜凜歲云暮

凜凜歲云暮雪花吹不住念子去不歸徘徊頓中路夢裏  
見君還恍惚攜君手哀樂難具陳但言別離久喔喔晨雞  
鳴日出當窗牖

游禹園

東坡先生詩集卷一百一十三  
五  
駕言禺園游流水一何長芙蓉花爛漫吹氣溢金塘林高  
殘暑退宿雨動微涼浮魚躍曲渚新燕來雕梁物理固有  
託人胡獨憂傷

長相思

長相思  
淚潸潸芙蓉落盡凋秋蘭深深水高高山鴻雁那  
能度鯉魚空復還對鏡不敢照橫琴欲罷彈

長相思  
悵別離月上梧桐夜色遲秋風起白雲飛有客長  
作客日歸竟不歸音書久斷絕羽翼長差池

燕歌行

別日苦促會日稀雲山阻隔雁飛飛懷君永夜漫漫其憔悴  
蘭房悵別離妾只含情獨掩扉君留他鄉胡不歸欲語  
不語還低眉撫琴一彈心傷悲再彈不覺淚連絲明月爛

爛無光輝牛女咫尺河間之斗轉參橫夜半時

別母

莫聽寒鳥叫夜雨豈堪聞不盡離堂淚無端此地分樓高  
長寂寂葉落故紛紛掩涕非無語依幃戀白雲  
不盡城南路悽然說送行深閨一夜別小女十年情露下  
兼秋迴天高聞雁鳴離愁空黯黯寒月爲誰明

和日觀止溪雜詠

十畝成高志三春足勝游籬深容鹿卧牆圯任雲留岸柳  
藏書屋溪花失釣舟不須嫌寂寞吾道合滄洲  
谷口逃名處何如鄭子真種松曾買地養竹爲投綸歲月  
杯中盡琴書枕上親鹿車應共挽持此謝風塵

同查氏姊張氏妹游棄家園圍一名野鶴林

小築成高隱幽尋一叩關水亭涵白日草閣卧青山家棄  
尊仍在林深鶴未還誰言武陵隔今已出人間

九日懷遠

此日金陵客登高何處臺江寒鴻雁下霜老菊花開書札  
人千里風塵酒一杯莫因青草歇不遣馬蹏回

送日觀蜀游

蠶叢天地險劍閣古今愁揮手從茲別難爲芳草秋猿嘯  
三峽樹月掛九江流不盡憑高目西風獨倚樓

有懷

別館人高卧終朝獨自愁大都征鳥下只是白雲留夜靜  
寒花落庭空芳草秋此心嘗百折日夜水東流

懷日觀留蜀

北風吹萬里歲晚客衣單可惜尖雲隔長歌蜀道難鳥嘯  
知閣近雁影寄書寒只有天邊月清光兩地看

西山同日觀游包氏廢園

山深地僻少經過宛宛柴荆出澗阿不盡泉聲流日月無  
端雨色掛藤蘿亭開薜桂留人住徑入蒼松舞鶴多卽此  
投閒應勝絕鹿門借隱定如何

送日觀游越

江花江草映江明孤客孤舟江上行不斷鄉心吳苑隔無  
邊妾夢越潮平拂衣幾卧千巖月把酒還尋萬樹鶯儻到  
鏡湖憑遠望綠蘋處處是歸程

湖上

秋晚芙蓉好人歸古渡頭相看不相識多少釣魚舟

九日

黃菊蕭疎放重陽風雨哀登高何處是白雁故飛來

送日觀之金陵

送客金陵極望中江流無恙片帆風應知歌舞秦淮月不  
與高樓夢裏同

芳樹

庭前芳樹影參差春暝鶯嚙爭上枝開落不堪人事改青  
松獨與歲寒期

哀江南婦

五月新蒲葉正齊清江極目遠萋萋何堪多難傷心切一  
曲箜篌揚子西

春感

二月梅花落似雪三春楊柳亂如絲那堪花柳添愁思寄  
與東風總不知

寂寞村居水一涯半間茅屋傍溪斜亦知昨日復今日閒  
數開花與落花

午日自題

吾年三十復添五終日卧病當端午只今且種忘憂草富  
貴浮雲何足數

蔡琬字季玉漢軍旗人綏遠將軍毓榮女尙書諡文良

高其倬室有蘊真軒詩草

沈歸愚曰夫人無書不讀諸於政治詩集無

可覓於選本中錄取四章皆擲地有聲者

詩話季玉詩筆雄健爲閩闈所稀袁簡齋紀其纈白

燕詩允徵才識相傳文良奏疏文檄皆與商定非虛

冬夜

耿耿蘭缸暗沈沈  
沈沈夜氣清  
夢回殘漏永  
月在半窗明  
鄉思兼愁思  
礎聲復雁聲  
故園歸路杳  
何日慰離情

關鎖嶺

山從絕域勢遙分  
天限西南自昔聞  
烽靜戍樓狐上屋  
風喧古木鶴驚羣  
橫盤石磴危通馬  
深鎖雄關冷護雲  
叱馭昇平猶覺險  
揮戈誰憶舊將軍

九峯寺有感家大人

蘿壁松門一徑深  
題名猶記舊鋪金  
苔生塵鼎無香火  
經蝕僧廚有蠹蟬  
赤手屠鯨千載事  
白頭歸佛一生心  
征南部曲今誰是  
剩有枯禪守故林

江西坡



西嶺千重簇劍鉞曾麾萬騎驀羊腸鬼鏗明滅團青血野  
塚荒涼嘯白楊蔓斷層霄空漠漠事隨流水去茫茫只今  
剩有殘兵卒指點空山說戰場

辰龍關

一徑登危獨惘然重關寂寂鎖寒煙遺民老剩頭閒雪戰  
地秋閒郭外田聞道萬人隨匹馬曾經六月墮飛鳶殘碑  
灑盡諸軍淚苔蝕塵封四十年

重過燕子磯

又繫蘭橈駐水濱小亭重上獨逡巡恰看白下還斜照賸  
對青山似故人幾杵疎鐘江寺晚半籬寒豔菊花新憑欄  
更誦登臨句望裏山川尙有神

江雨晚晴

晚煙漠漠破餘暉紅葉紛紛下翠微幾點斷雲將雨去一  
行寒雁貼江飛霜明半落新愁鬢風勁先侵遠客衣翻羨  
田家無箇事小舟閒泊釣魚磯

秋原踏月

露冷煙消碧落空遠山如黛月如弓蛩吟緩緩隄邊路蟬  
韻微微樹杪風幾點雪花天際白一痕螢火草間紅中郎  
不起吾誰與莫問良材爨下桐

柴貞儀字如光錢塘人舉人世堯女諸生黃介眉室

詩話如光能詩爲妹季嫻之名所掩其詠羅巾云拭  
去盈盈淚攜來冉冉香殷勒纏素手縷縷似愁腸得  
唐人三味尤工六法圖畫寶鑑稱其花卉翎毛無不超妙

題煙江疊嶂圖

誰將素練染霜毫幻作空濛萬里濤一片孤帆何處落千

峰雨色暗江皋

柴靜儀字季嫻錢塘人貞儀妹沈漢嘉室有凝香室詩

鈔

沈歸愚曰木平性情之貞發乎學術之正  
韻語時帶箴銘不可於風雲月露中求也  
詩話季嫻工詩書畫又從父學琴手錄琴譜父爲之  
序嘗於春日偕蕉園諸女士扁舟泛湖練扇推髻命  
翰分吟畫舫相鄰多靚妝  
游女旁窺風格詫爲僅見

與冢婦朱柔則

深閨白日靜熏香垂羅幃病起罷膏沐澹若明河秋自汝  
入家門操作苦不休蘋藻旣鮮潔戶牖還綢繆丈夫志四  
方錢刀非所求惜哉時未遇林下聊優游相對理琴瑟逸  
響隨風流潛龍慎勿用牝雞乃貽羞寄言閨中子柔順其  
無憂

馮又令命子中皞見過

賢子傳君意過門慰藉深長貧無樂歲多難有禪心琴酒  
憐知已詩歌愧賞音他年能憶我相訪就雲林

送顧啟姬北上

一片桃花水盈盈送客舟春來萬楊柳葉葉是誰愁願我  
窮途者逢君意氣投煙虹時染翰風月幾登樓只合薰香  
坐誰堪鼓柁游燕臺一回首雲白古杭州

懷子江右

彭蠡風濤怒不休日斜何處泊行舟朝來定有思親淚流  
到錢塘古渡頭

朱柔則字順成號道珠錢塘人諸生沈用濟室有嗣音

軒詩鈔

詩話道珠爲榮夫人季嫻子婦兩世能詩工畫方舟  
嘗容紅蘭主人所道珠因畫故鄉山水圖寄之紅蘭  
主人題曰柳下柴門傍水隈天桃樹樹又花開應憐  
夫婿無歸信翻畫家山遠寄來遂厚贈之而歸一時  
傳爲佳話

### 舉第五子

四男二女如相引復舉斯兒眞可哂輾轉常懷離裏親欲  
與鄰人仍不忍讀書還擬大吾門未許癡頑類犬豚自憐  
乳哺多辛苦轉憶吾親罔極恩

### 寄遠曲

恨少垂楊柳殷勤繫玉鞍夕陽鴉背暝春雪馬蹏寒入世  
逢迎拙依人去住難癡兒唬向我昨夜夢長安  
獵獵風初勁沈沈雨未闌因憐兒被薄轉憶客衣單栖燕  
將雛苦征鴻失侶寒居家與行路同是一艱難

辛苦長安客，栖栖歎此行。故鄉空自阻，逆旅亦何營。取友防輕薄，持躬問老成。寄言百君子，努力事身名。聞說燕臺路，生涯亦可憐。恥彈門下缺，誰乞廣文錢。久客非長策，歸耕有薄田。一棺痛慈母，急爲卜新阡。

別曲

三載饑驅走路歧，一春風雨倍淒淒。其黃金最是無情物，長使深閨怨別離。

河渚觀梅約顧女春山

女卽方舟妾

相期河渚玩春華，一棹迎風路未賒。樓外有梅三百樹，美人不到不開花。

馬士琪字韞雪，祥符人。晉城張應垣室，有燼餘草。

詩話韞雪蚤寡，以經書授二子，皆成名。有母弟，字滕縣，觸時網，將罹不測。韞雪嘗居宅，以脫之。性喜讀書。

至老不輟  
詩有風骨

天竺寺

三竺深始佳妙香靜空谷無量人天供至此心神肅在昔  
聞兵火茲山未沈陸若非龍象力何以感羣族出門望層  
巒回向古道塲雲日遞隱見巖壑易陰陽別院通危橋澗  
曲聲琅琅萬木擁寒閣千鏡照迴廊澄懷此晏坐攝受言  
可忘

將進酒

文犀光射琥珀微客爲主壽雲懶歸此時舉觥勝千日喫  
酒使我花枝肥天桃未落春已老驅車疾走揚州道

苦雨

階前時復見游魚不斷愁霖密復疏觸處牆傾兼屋漏有

人夜起護殘書

葉榜崑山人許心辰室有擁翠軒唱和詩集

孤雁

一聲淒切度河梁不訴離羣也斷腸  
寂歷寒沙眠鐵羽空  
明霜月照分行無心避患銜蘆荻肯戀餘生  
逐稻梁聞道  
邊庭尙征戍孤鳴幸勿到遼陽

陸莘行字纘任錢塘人圻女海甯祝翼斐室

詩話莊廷鑑明史獄起纘任父麗京坐逮以先嘗具狀自陳得免歎曰今幸獲不死奈何不以餘年學道耶親歿遂棄家遠遊纘在念父不歸作雲游始末紀麗京與弟培稱三陸所爲詩號西陵體纘任傳其餘緒惜詩多散佚尊前舊話中有一絕爲七歲時作

送伯姊之姑蘇

自憐嬌小不知詩執手臨行強致詞盼殺天涯傳錦字吳



江楓落雁歸時

陳何蕭山人同縣毛奇齡室

毛西河曰陳何寄子夜歌二章蓋憶子作也其序云  
外人以避仇未歸檢黃皆令子夜歌用其詞則是代  
皆令作者其詞云云舊體蓮本隱憐今借隱蓮然  
亦可隱憐以子曾自呼阿憐翁故也何子婦無字

子夜歌

一去已十載九夏隔千山雙珥依然在如何不得環

白露收荷葉清明種藕枝君行方歲暮那有見蓮時

張曼殊宛平人蕭山毛奇齡側室

詩話曼殊小名阿錢京師豐臺賣花家女性慧年十  
八為西河小妻嘗夢鄰廟阿母喚之去醒而惡之飾  
桃梗貌已送廟間若代己者復圖其影於幃自題之  
曰留視圖卒年二十四事具西河所為葬銘西河詩  
話錄同館袁編修杜少四詩中一云薄飲梨花春微  
弄蘭香豆不逢燕趙姿但誇東南秀又梁蕉林相國  
題曼殊小象詩向春風裏光縮髻斜焚香小坐  
澹鉛華畫圖展向春風裏好護豐臺第一花

病中吟

羅帳掛金鉤薰鑪香霧收起來紅袖冷獨坐怕梳頭  
日色滿窗紅鴛鴦睡枕同披衣將欲起又怕隔簾風

無子自歎

春到園林草盡芽天桃何事不開花曉來對鏡臨妝坐羞  
見朝陽上碧紗

題留視圖

爲送還家去雙螺縮百環且將妝鏡影留視在人間

晚晴簃詩匯卷一百八十三終